

Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaata allanngortinneqarnissaa pillugu Inatsisartut inatsisaat

§ 1

Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaanni nr. 21, 28. november 2016-imeersumi, Inatsisartut inatsisaanni nr. 16, 12. juni 2019-imeersukkut allanngortinneqartumi makkuninnga allanngortitsisoqarpoq:

1. § 1, imm. 2-4, imatut oqaasertalerneqarput:

"Imm. 2. Akiliisarneq kingusinnerpaamik aallartinneqassaaq ukiumi aningaasarsiorfiusumi inuup 18-inik ukioqalerfiata tulliani, aammalu ukioq aningaasarsiorfiusoq pineqartup soraarnerussutisiaqalertussatut ukioqalerfissa ukiunik 4-nik sioqqullugu unitsinnejqarsinnaalluni.

Imm. 3. Soraarnerussutisianut aaqqissuussineq soraarnerussutisiaqarnissamut aningasaateqarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit inuunermut imaluunniit soraarnerussutisiaqarnissamut sillimmasiisarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit aningaaserivimmi Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartumi, pilersinnejqarsimassaaq, taamaattoq takuuk imm. 4. Soraarnerussutisiaqarnissamut aningasaateqarfik, inuunermut imaluunniit soraarnerussutisiaqarnissamut sillimmasiisarfik imaluunniit aningaaserivik aningaasalersuinermik suliaqarneq pillugu inatsimmi pineqartunut ilaassasoq aammalu allatigut suliaqarneq pineqartoq ingerlannissaanut Finanstilsynimit akuersisummit peqassasoq, piumasaqataavaq.

Imm. 4. Piffissami sivisunerpaamik ukiunik aningaasarsiorfiusunik marlunnik sivisussuseqartumi soraarnerussutisianut aaqqissuussinermut Norgemi, Savalimmiuni, Islandimi imaluunniit nunami EU-mut ilaasortaasumi pilersinnejqarsimasumut akiliisoqartarsinnaasoq, akileraartarnermut ingerlatsivik qinnuteqarneq malillugu akuersisummit tunniussisinhaavoq. Qinnuteqaat kingusinnerpaamik akileraartussaatitaalernerup kingorna qaammatit pingasut qaangiutsinnagit nassiunneqassaaq. Akuersisummit piumasaqataavaq inuk atorfeqarnerminut ilaatillugu nunamit pineqartumit Kalaallit Nunaannut nuussimassasoq aammalu soraarnerussutisianut aaqqissuussineq nuunnissaq sioqqullugu pilersinnejqarsimassasoq. Aammattaq piumasaqataavaq inuup ukiut aningaasarsiorfiusut marluk sinnerlugit Kalaallit Nunaanniinnissaa naatsorsuutigineqanngitsoq."

2. § 2 imatut oqaasertalerneqarpoq:

"§ 2. Illeqqaarnissamut tunngaviusut tassaapput inuup A-nit aamma B-nit isertitai katillugit, aningaasat aningaasarsianit akileraarutit pillugit Inatsisartut inatsisaanni § 41, imm. 2, aamma § 47 b, imm. 6 malillugit

isertitanik akileraaruteqaataasussanik naatsorsuinermi ilaatinneqartussaanngitsut ilassutigalugit, taamaattoq takuu imm. 2 aamma 3.

Imm. 2. Ileqqaarnissamut tunngaviusut naatsorsorneqarneranni makku naapertorlugit tunniunneqartartut ilanngunneqassanngillat:

- 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat,
- 2) Tjenestemandit Inatsisartut suliffeqarfíni atorfillit pillugit Inatsisartut inatsisaat,
- 3) Naalagaaffimmi tjenestemanditut atorfillit Kalaallit Nunaanniittut pillugit inatsit,
- 4) Tjenestemandit pillugit inatsit
- 5) Inuit innarluutillit taperserneqartarnissaannut Inatsisartut inatsisaat,
- 6) Meeqqanut tapiissutit pillugit Inatsisartut inatsisaat,
- 7) Meeqqat tapersorsorneqarnissaannut Inatsisartut inatsisaat,
- 8) Pisortanit ikorsiissutit pillugit Inatsisartut peqqussutaat,
- 9) Utoqqalinermi pensionisiat pillugit Inatsisartut inatsisaat,
- 10) Siusinaartumik pensionisiat pillugit Inatsisartut inatsisaat,
- 11) Inissiani attartukkani ineqarnermut tapiissutit pillugit Inatsisartut inatsisaat,
- 12) Ilinniagaqarnersiutit pillugit Inatsisartut inatsisaat, aamma
- 13) Borgmesterinik borgmesterillu tulliinik kiisalu communalbestyrelsinut nunaqarfínnilu aqutsisunut ilaasortanik aamma najukkani ataatsimiititaliat ilaasortaannut il. il. akissarsiaqartitsineq pillugu Namminersorlutik Oqartussat nalunaarutaanni nr. 25, 30. december 2013-imeersumi § 2, § 12 aamma § 14, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24., 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisanut tapiissutinut tunngavissiisut, ilaanatik.

Imm. 3. Ileqqaarnissamut tunngavissanik naatsorsuinermi makku aamma ilanngunneqassanngillat:

- 1) meeqqanut akilersuutit, inuup angajoqqaavinit pisortanilluunniit akilerneqartussat, aamma
- 2) pensionisiatut tunniunneqartut allat, Utoqqalinersiaqarneq pillugu Inatsisartut inatsisaanni pineqartunut ilaanngitsut.”

3. § 3 imatut oqaasertalerneqarpoq

” **§ 3.** Inuup soraarnerussutisianut aaqqissuussineranut ukiuni aningaaasarsiorfiusuni 2021-mi aamma 2022-mi akiliutit, ileqqaarnissamut tunngaviusut 150.000 koruuninik amerlanerusunilluunniit annertussuseqarpata, ileqqaarnermut tunngaviusut 6 procentiannit annikinnerussanngillat, taamaattoq takuu imm. 2 aamma 5. Ukiut aningaaasarsiorfiusut 2023-mit 2026-mut aallarnerfigalugit ilanngullugillu procentiliussaq ukiumut 1 procentimik qaffanneqartassaaq, taamaalilluni akigititaq 2026-mi 10 procentiussalluni.

Imm. 2. Namminersorluni inuussutissarsiornermi siliaqarnermi sinneqartoorutit 150.000 koruuninik annertunerusunilluunniit annertussuseqarpata, imm. 1-imí aalajangersagaq apeqqutaatinnagu inuup ukiuni aningaaasarsiorfiusuni 2021-mi aamma 2022-mi soraarnerussutisianut aaqqissuussinerminut akiliutai akileraaruteqaataasussat sinneqartoorutit 4 procentiinit annikinnerussanngillat, taamaattoq takuu imm. 5. Ukiumi aningaaasarsiorfiusumi 2023-mi akiliutit namminersorluni inuussutissarsiornermi siliaqarnermi akileraaruteqaataasussat sinneqartoorutit 5 procentiinit annikinnerussanngillat aammalu

2024-mit ukiunilu aningaasarsiorfiusuni tulliini 6 procentiinit annikinnerussanatik.

Imm. 3. Imm. 1 malillugu akigititaq atuuttoq ileqqaarnissamut tunngaviusut 100.000 koruuninik annertussuseqarpata inunnut akigititap 0 procentianit ileqqaarnissamut tunngaviusut 150.000 koruuninik annertussuseqarpata inunnut akigititap 100 procentianut assigiimmik qaffakkiartuaartinnejassaaq.

Imm. 4. Namminersorluni inuussutissarsiornermi imm. 2 malillugu akigititaq atuuttoq, sinneqartoortit 100.000 koruuninik annertussuseqarpata inunnut akigititap 0 procentianit sinneqartoortit 150.000 koruuninik annertussuseqarpata inunnut akigititap 100 procentianut assigiimmik qaffakkiartuaartinnejassaaq.

Imm. 5. Pisuni imm. 1-im aamma 2-im taaneqartuni, inuup soraarnerussutisianut aaqqissuussineranut ukumi isertitaqarfiusumi ataatsimi 200.000 koruuninik imaluunniit annertunerusunik akiliisoqareernerani, akiliisussaatitaaneq atorunnaassaaq.”

4. § 4 imatut oqaasertalerneqarpoq:

” § 4. Aalisarnermit, piniarnermit, aallaaniarnermit, savaateqarnermit aamma kusanartuliornernit tunisassianik tunisinerni akileraarutinik unerartitsinissamut pisussaaffeqartoq, tunisisut soraarnerussutisianut aaqqissuussinerannut akiliutissanut akiliinissamik, pisussaaffeqartoq pillugu maledruagassanik Naalakkersuisut aalajangersaasinnaapput. Akiliutissaq tunisinerup aningaasartaasa ilaannik, § 3, imm. 2 malillugu akigititanit atuuttunit annikinnerusumik, annertussuseqassasoq, Naalakkersuisut tassunga ilanngullugu aalajangersaasinnaapput.

Imm. 2. Akiliuteqartussaataasup tigusisussap soraarnerussutisianut aaqqissuussinera ilisimasaqarfinginngippagu, akiliutissaq imm. 1-im taaneqartoq akileraartarnermut ingerlatsivimmut akilerneqarsinnaasoq pillugu maledruagassanik aammattaaq Naalakkersuisut aalajangersaasinnaapput. § 7, imm. 6-im aamma 7-im, aamma § 8-mi aalajangersakkat taamatut pisoqarnerani atuutissapput.”

5. § 5-im allangortinneqarpoq ”§ 2” uunga: ”§ 3”.

6. § 7, imatut oqaasertalerneqassaaq:

” § 7. Ukiup aningaasarsiorfiusup siuliani inuup soraarnerussutisianut aaqqissuussineranut aningaasat minnerpaaffissaat § 3-mi pineqartut akilerneqarsimanersut, Akileraartarnermut ingerlatsiviup ulloq 31. august tikitsinnagu naatsorsussavaa.

Imm. 2. Naatsorsuinerup takutippagu inuup soraarnerussutisianut aaqqissuussineranut akiliutit aningaasat minnerpaaffissaannik annikinnerusut, nikingassutaasoq 2.000 koruuninit annertunerusimappat, inuk soraarnerussutisianut aaqqissuussinerminut nikingassutaasoq akilissagaa aammaluk akiliineq akileraartarnermut ingerlatsivimmut upernarsassagaa, akileraartarnermut ingerlatsiviup piumasarissavaa.

Imm. 3. Akileraartarnermut Aqutsisoqarfuiup ulloq 1. november tikitsinnagu akiliinermut upernarsaat tigusimanngippagu, nikingassutaasoq akileraarutinut procentiliussamut tapiliussatut imaluunniit akileraarutit qaffannerisigut akilersinneqassaaq. Taamaattoq nikingassutaasut, ukiumut aningaasarsiorfiusumut, ukioq aningaasarsiorfiusoq skattekortip atuuffissaa ukiunik 4-nik sioqquullugu, inissisimasumut, tunngassuteqartut akilersinneqarsinnaanngillat.

Imm. 4. Imm. 3 malillugu tapiliussat ukiup aningaasarsiorfiusup tullianut akigititatut atuuttutut

annerpaamik annertussuseqarsinnaapput, takuuk § 3, imm. 1 aamma 2. Akileraartarnermut ingerlatsiviup paasiguniuk ukiup aningaasarsiorfiusup ataatsip ingerlanerani inummi nikingassutaasut matussusernissaannut naammattumik akiliisitsisoqarsimasoq, akileraartarnermut ingerlatsivik akileraarummut procentiliussamut ilassusiinani skattekortimik nutaamik tunniussissaaq. Akilersinneqartut inummi nikingassutaasunit annertuneruppata, ukiumi aningaasarsiorfiusumi paasineqartumi akileraarutaagallartutut aningaasartai isigineqassapput.

Imm. 5. Akileraarutinut allagartanik nutaanik tunniussisoqarpat, nikingaassutaasoq annerpaamik arfinileriarluni akilersuinertut akilersinneqassaaq.

Imm. 6. Akileraartarnermut ingerlatsiviup nikingassutaasut akilerneqartut, takuuk imm. 3-5, inuup soraarnerussutisianut aaqqissuuussineranut nuussavai.”

Imm. 7. Inuk ingerlasumik soraarnerussutisianut aaqqissuussaqartoq akileraartarnermut ingerlatsiviup ilisimanngippagu, imaluunniit soraarnerussutisianut aningasaateqarfip imaluunniit soraarnerussutisianik neqerooruteqartup soraarnerussutisianut aaqqissuussinermik pilersitsiviusimasup akileraartarnermut ingerlatsivimmit akiliutinik tigusisarnissaq kissaatiginnngippagu, akileraartarnermut ingerlatsivik pineqartumut soraarnerussutisianut aaqqissuussinermik pilersitsisinnaavoq, takuuk § 8.”

7. § 8-mi “imm. 5 “imm. 7”-inngorlugu allanngortinneqassaaq

8. § 8 kingorna ilanngunneqarpooq:

” **§ 8 a.** Peqqussutini aalajangersakkanik unioqqutitsinermut akiliisitsinermik pineqaatissiisarneq pillugu maleruagassanik, peqqussutini inatsit naapertorlugu aalajangersarneqartuni aalajangersaasoqarsinnaavoq.

Imm. 2. Aktiaateqarluni ingerlatseqatigiiffiup, piginneqataassuseqarluni ingerlatseqatigiiffiup, piginneqatigiilluni ingerlatseqatigiiffiup, peqatigiiffiup, suliffeqarfik imminut pigisup, aningasaateqarfip assigaataluunniit unioqqutitsinermanut akiliisitsinermik pineqaatissiisarneq pillugu maleruagassanik, peqqussutini inatsit naapertorlugu aalajangersarneqartuni aalajangersaasoqarsinnaavoq. Namminersorlutik Oqartussat, kommuni imaluunniit kommunit ataatsimooqatigiiffiat unioqqutitsisuuppata, Namminersorlutik Oqartussat, kommuni imaluunniit kommunit ataatsimooqatigiiffiat akiliisitsinermik pineqaatissinneqarsinnaapput.

Imm. 3. Akiliisitsinerit imm. 1 imaluunniit 2 malillugu pisussaaffiliunneqartut nunap karsianut tutsinneqassapput.”

§ 2

Inatsisartut inatsisaat ulloq 1. januar 2021 atuutilissaaq.

Imm. 2. Ukiumut isertitaqarfiusumut 2020-mut ileqqaarnissamut tunngavissat naatsorsorneqarneranni, tjenestemandit pilligit inatsit naapertorlugu aningaasarsiat tunniunneqartut ilanngunneqassangillat.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut